

嘉慶鳳臺縣志

鳳臺縣志卷

賜進士出身翰林院庶吉士鳳臺縣知縣兼理壽州事李兆洛集

古蹟志

史記貨殖傳曰郢之後徙壽春亦一都會也蓋吳越閩嶠諸州部之趣中州秦隴皆取道於此故自漢以來建都雍豫壽春常爲走集轉輸之衝其南北分裂時則爲兩境邊戍地兵爭戰守之跡亟亟矣哉壽春

舊縣卽今城也

秦置縣太平寰宇記曰東晉以鄭皇

世家漢五年使賈南渡淮圍壽春項羽本紀劉賈自壽春並行屠城父後漢書光武本紀建武四年七月丁亥幸譙八月戊午進幸壽春資治通鑑初平四年袁術走九江揚州刺史陳瑀拒術不納退保陰陵集

兵于淮北復進向壽春瑀走歸下邳建安二年袁術  
稱帝于壽春自稱仲家後漢書袁術傳建安四年夏  
術燒宮室奔其部曲陳簡雷薄于潯山又欲北至青  
州劉備微之不得過復走還壽春資治通鑑魏黃初  
三年八月爲水軍循蔡潁浮淮如壽春三國志魏諸  
葛誕傳毋邱儉文欽反司馬景王使誕督豫州諸軍  
渡安風津向壽春甘露元年誕請十萬衆守壽春二  
年遂反司馬文王督中外諸軍討之誕窘急將其麾  
下突小城門出司馬胡奮逆擊斬誕晉書本紀太康  
元年三月平吳孫氏大將戰亡之家徙于壽陽元康  
四年夏四月淮南壽春洪水出山崩地陷懷城府丞  
嘉四年鎮東將軍周馥表迎大駕遷都壽陽五年琅  
琊王睿使甘卓攻周馥于壽陽馥走死六年石勒將  
攻建業琅琊王齊大集江南之衆于壽陽永昌元年  
石勒圍譙破祖約別軍約退據壽春太寧二年秋平  
西將軍祖約逐王敦所署淮南太守任台于壽春冬  
石勒將石生屯洛陽豫州刺史祖約不能禦退保壽  
陽咸和元年十一月石勒將石聰攻壽陽不克永和  
元年二月石季龍將路永屯于壽春五年五月桓溫  
遣諸將討石遵揚州刺史王浹以壽陽來降八年褚

哀退屯壽春西中郎將陳達焚壽春而遁九年殷浩  
自壽春率衆七萬北伐隆和元年十二月詔以豫州  
刺史袁眞自汝南退鎮壽春二年慕容評襲許昌遂  
侵汝南太守朱斌遁於壽陽太和四年豫州刺史袁  
眞以壽陽叛六年桓溫刻壽陽太和八年八月符堅  
率衆渡淮十月堅弟融陷壽陽春元熙元年七月宋公  
劉裕進爵爲王八月移鎮壽陽永初元年四月帝徵  
宋王入輔王留其子爲都督及豫州刺史鎮壽陽宋  
書殷敬珉傳劉劬圍壽陽晉安王子勛遣龐孟蚪率  
精兵救之乘勝進軍向壽陽初常珍奇遣周當垣式  
寶率數百人送仗與敬珉式寶驍勇絕衆因留守北  
門率所領開門襲劬入其營劬逃避得免劬堅長圍  
治攻道於東南角并填塹東南角有高樓隊主趙法  
進計曰外若進攻必先攻樓樓頽落旣傷將士又使  
人情阻壞不如先自毀之從其言劬用草茅包土擲  
以塞塹擲者如雲城內乃以火箭射之草未及燃後  
土續至一二日塹便欲滿趙法進復獻計以鐵珠子  
灌之珠子流滑悉緣隙得入草于是火然二日間草  
盡塹中土不過二三寸劬乃作大蝦蟇車載土牛皮  
蒙之三百人推以塞塹敬珉戶曹叅軍虞挹之造礮

車擊之以石車悉破壞南齊書劉懷珍傳劉劭既破  
劉順懷珍等乘勝逐北頓壽春長邏門按長邏門當  
卽北門是時軍皆屯於北門故垣式寶開北門襲劭  
營也南齊書高帝紀建元二年魏冠壽陽豫州刺史  
垣崇祖破走之資治通鑑永元十一年魏主議南伐  
於淮泗間大積馬芻上聞之以右衛將軍崔慧景爲  
豫州刺史以備之建元元年以蕭衍爲寧朔將軍戊  
壽陽慧景白服出迎南齊書沈文季傳建武二年魏  
寇壽春豫州刺史豐城公遙昌嬰城固守詔文季領  
兵鎮壽春文季入城止游兵一聽出洞開城門數加  
備守虜衆尋退裴叔業傳叔業降魏魏遣李醜楊大  
眼二千餘騎入壽陽梁書武帝紀天監五年三月陳  
伯之自壽陽率衆歸降普通五年九月宣毅將軍裴  
遠襲壽陽入羅城弗克裴遠傳大軍將北伐以遠督  
征討諸軍事率騎三千先襲壽陽九月壬戌夜至壽  
陽攻其郭斬關而入一日九戰後軍蔡秀成失道不  
至遠以援絕拔還資治通鑑梁普通六年裴遠攻魏  
魏何間王琛至壽陽欲出兵夾戰長孫稚以爲久雨  
未可出琛不聽引兵五萬出城擊遠遂爲四甄以待  
之使直閭將軍李祖憐先挑戰而僞退稚琛悉衆追

之四甄競發魏師大敗斬首萬餘級琛走入城稚勒  
兵而殿遂閉門自固不敢復出梁書武帝紀普通七  
年十一月夏侯亶胡龍牙元樹曹世宗等衆軍剋壽  
陽城以壽陽爲南豫州太清元年侯景以十三州內  
屬詔以懸瓠爲豫州壽春爲南豫太清二年侯景襲  
入壽陽尋作亂留兵守壽陽帥輕騎以東掩建康合  
州刺史蕭範遣兵攻壽陽克其羅城復攻其中城不  
克而退範又益兵攻之三年侯景將王顯貴以壽陽  
降東魏陳書大建五年吳明徹攻齊壽陽齊王琳等  
保壽陽外郭明徹急攻之城潰齊兵退據相國城及  
金城明徹復堰淮水灌城遂克之自後周至南唐州  
郡皆治此舊五代史周世宗紀顯德二年十二月甲  
戌李穀奏破淮賊二千人于壽州城下三年正月丁  
未李穀奏自壽州退守正陽先是李穀駐軍於壽春  
城下以攻其城旣而淮南援師大至乃與將佐謀曰  
賊軍舟楫將及正陽我師無水戰之備萬一橋梁不  
守則大軍隔絕矣不如還師退守正陽浮橋以俟鸞  
輅諸將皆以爲然遂燔其糧草而退帝聞之急遣侍  
衛都指揮使李重進率師赴之乙卯車駕渡淮丙辰  
至壽州城下營於州西北肥水之陽庚申耀兵于城

下六月淮南道招討使李重進奏壽州賊軍攻南砦  
王師不利先是詔步軍都指揮使李繼勛營於壽州  
之南攻賊壘是日賊軍出城來攻我軍破柵而入其  
攻城之具並為賊所焚將士死者數百人李重進在  
東砦亦不救時城堅未下師老於外加之暑毒糧運  
不繼李繼勛喪失之後軍無固志諸將議欲退軍賴  
今上自六合領兵歸闕過其城下因為駐旬日王師  
復振十月淮南節度使向訓自揚州班師迴駐壽春  
時王師攻壽春經年未下江淮盜賊充斥舒蘄和泰  
為等州復為吳人所據故棄揚州并力于壽春焉四  
年正月淮南招討使李重進奏破賊五千于壽州  
北二月丙午壽州劉仁瞻上表乞降帝遣問門使張  
保續入城慰撫戊申幸壽春城北庚戌詔移壽州於  
下蔡以故壽州為壽春縣胡三省通鑑註曰壽州宋  
升為壽春府至今治下蔡縣而壽春故縣自為縣在  
淮水之南西北距下蔡二十五里高宗南渡復於壽  
州舊治壽春縣建安豐軍以為控扼之所蓋地險所  
在古今不能易也宋呂祉東南防守利便曰壽春故  
城倚紫金山以為固當徙據其地因修復忠正軍以  
控扼淮上如正陽古下蔡戍皆沿淮立柵如硤石可

築堡塢以爲防限如是則壽春之根勢立矣蓋是壽  
春府尚治下蔡也按宋史地理志壽春紹興初隸安  
豐三十二年爲府乾道三年爲倚郭時下蔡亦曰壽  
春府故以此爲南壽春而別下蔡爲北壽春紹興四  
年四月知壽春府羅興叛降僞齊仇念遣將孫暉敗  
金人於壽春十一月又遣選將王師晟復南壽春府  
十二年楊沂中敗劉猊追至南壽春而還十二月城  
南壽春府是也其建炎元年丁進圍壽春守臣康允  
之拒却之三年十月金人陷壽春紹興三十二年正  
月金人犯壽春府忠義將劉泰戰死又寧宗開禧二  
年五月建康都統田彬復壽春府理宗四年五月呂  
文德解壽春府圍五年十二月詔壽春守臣劉雄飛  
等捍禦有功轉三官以雄飛知壽春府六年七月北  
兵圍壽春皆南壽春也安豐軍亦置於此故或以爲  
安豐軍理宗嘉熙元年口溫不花侵安豐知軍事杜  
杲敗之而元史史天澤傳則云從宗王口溫不花攻  
壽春是也又紹興四年已有南壽春府之名而地理  
志謂三十二年始升府亦未是○諸書所載壽春凡  
有四城一曰楚考烈王故城亦曰廢西壽春縣宋經  
注淮水與潁口會東南逕倉陵城北又東北逕壽春



城西縣卽楚考烈王自陳徙此寰宇記廢西壽春縣  
在縣西四十里壽春記云秦始皇二十三年置北臨  
淮水西壽春城中有楚王祭淮壇宋武帝受禪壇城東北隅  
記云城中有楚王祭淮壇宋武帝受禪壇城東北隅  
有棘門史記註壽春城門是也一日壽春縣故城亦  
曰壽春外郭亦曰羅城亦曰南城水經注淝水自黎  
漿北逕壽春縣故城東爲長瀨津又西逕壽春縣故城北  
壽春外郭東北隅阿之榭又西逕壽春縣故城北  
合北溪又芍陂瀆自黎漿分水引瀆壽春城南逕芍  
陂門北右入城瀆東有東都街道左有劉劭廟又北  
逕相國城東又北出城注肥水又羊頭溪水受芍陂  
側逕壽春城西又北歷象門自沙門北出金城西門  
注肥水書太和五年桓溫遣兵攻壽春剋其南城南  
齊書垣崇祖傳魏寇壽春崇祖議修外城以待敵城  
既廣闊非水不固欲堰肥水却淹爲三面之險梁書  
武帝紀普通五年裴邃襲壽陽入羅城太清二年蕭  
範遣兵攻壽陽克其羅城復攻中城不克陳書建  
五年吳明徹攻壽陽王琳等保壽陽外郭明徹急攻  
之城潰是也一日金城亦曰小城亦曰子城亦曰中  
城水經注肥水又西逕金城城北又羊頭溪水北出金

城西門迢遙樓下〔通鑑〕諸葛誕據壽春以猜疑文欽  
欽二子將兵在小城中逾城走旣而城陷誕將麾下  
突小城欲出見殺〔梁書〕裴邃襲壽陽攻中城不剋陳  
書吳明徹攻破壽陽外郭齊兵退據金城是也一日  
相國城〔水經注〕芍坡瀆又北逕相國城東劉武帝伐  
長安所築也堂宇廳館仍故以相國爲名〔陳書〕吳明  
徹攻剋壽陽外郭齊兵退據相國城是也以今地考  
之廢西壽春縣當在今壽州境距城西南四十里之  
豐莊舖值淮水東北曲處水經注所謂烽火水受淮於  
烽火村南卽此豐或卽烽火之訛今其城已無跡矣壽春  
外郭當包今城南之東陡澗並肥水而北至東津渡  
又並肥水而西盡於芍坡瀆入肥處東津渡以南皆  
壽州境以北皆鳳臺境其地縣延曲折三十餘里芍  
坡瀆卽今之大香河〔壽州志〕云大香河出芍坡大香  
門厓老軍營雙古堆至城東南二里橋入城濠繞城  
入肥水經注所謂芍坡門當在今二里橋之南芍坡  
水從此入外郭也長瀨津卽今東津渡北溪在今四  
頂山下肥水自長瀨津經城西而合北溪則當時外  
郭直抵北溪側蓋外郭之東北兩面皆環肥爲濠南  
則繞芍坡瀆故垣崇祖以堰肥水爲三面之險旣堰

肥水又恐敵入據外郭則肥水之險仍無所用故必  
修築外城也羅城在子城之南故亦謂之南城裴遂  
吳明徹等皆自南來攻故皆先破外郭也今城址及  
芍坡門俱無可考象門沙門當在今城自南門至西  
門間或後代改築而塞之矣金城當即今之北城西  
城肥水既合芍坡瀆又西至金城城北即今北門外城  
濠羊頭溪水北出金城西門即今城西門矣相國城即今  
西門外城芍坡瀆自芍坡門入城又北逕相國城東又  
之東城芍坡瀆入肥今東門城濠即古芍坡瀆迤北即入  
北出城而入肥今郡子城宋武帝所築廣記云壽陽城  
肥矣通典云今相國城劉裕伐長安移鎮時築一曰  
城中有二城一曰相國城魏晉以來中城率謂之金城紀  
金城壽陽中城也白魏晉以來中城率謂之金城紀  
要云曹魏時已有小城則宋武所築者相國城也子  
意古壽陽中城其東南隅謂之相國城其西北隅謂  
之金城非有二城也即今地形考之西逼西城濠爲  
羊頭溪水東逼東城濠爲古芍坡瀆水中間相距不  
及三里無從容二城矣或宋武時中城之東南隅壞  
而宋武修築之或因相國之堂宇屢館所在而別名  
之均未可知也羅城不知何時所創通典通考俱云

羅城楚考烈王築按水經注楚考烈王所築者自在  
今城西南四十里淮水之側此恐非也寰宇記引伏  
沼正淮論云楚考烈王徙都壽春城即考烈王所築  
西南小城即楚相春申君黃歇所居按今晉書所載  
正淮論無此語所謂西南小城不知何指寰宇記又  
云故壽春縣在縣西一里縣前有時苗飲犢池說尤  
無考今飲犢池在城南門內名勝志宋畧云太初元  
年遷金甌人于壽陽立崇義縣以居之在安豐東南  
三里南史吳明徹攻壽陽齊人潰退守金城或即其  
地按齊人因外郭潰而入保內城安得遠至安豐東  
南曹氏之其州來即今下蔡鎮左傳林氏註曰下蔡  
說亦非也其州來古州來也吳之始圖楚也爭巢與  
鍾離州來三邑蓋七十年而後取之失淮由失州來  
也左傳襄三十一年延州來季子其果立乎正義曰  
釋例土地名延州來缺不知其處則杜謂延州來三  
字共為一邑服虔云延延陵也州來邑名季子讓王  
位封延陵為大夫食邑州來傳家通言之按昭十三  
年吳始滅州來此時不當預以封季子蓋亦左氏追  
言也餘房鍾即今關驢集地左傳昭六年楚令尹子  
詳輿地房鍾蕩帥師伐吳師于豫章而次于乾谿吳

人敗其師於房鍾杜注房鍾吳地今關隴北至乾谿  
百餘里南至潁尾百餘里東南至州來百餘里大  
次乾谿故別軍在房鍾為犄角也今猶為蒙亳往來  
要地矣春秋大事表云在今蒙城縣境集蓋與蒙城  
接壤下蔡故城卽今下蔡鎮名勝志云下蔡鄉春秋哀二  
也蔡遷于州來言以州來地立蔡國也周武王封叔  
者爲上蔡成王封度子平侯爲新蔡故州來爲下蔡  
楚公族貴人多居之宋玉好色賦云惑陽城迷下蔡  
卽此晉書穆帝本紀升平三年冬慕容皝寇東阿遣  
西中郎將謝萬次下蔡擊之載紀桓冲率衆十萬伐  
符堅遣龍驤胡彬攻下蔡齊建元二年魏人南侵寇  
遭其將賀羅出下蔡梁書垣崇祖慮虜復寇  
淮北啓徙下蔡戍於淮東其冬虜果欲攻下蔡旣聞  
內徙乃揚聲平除故城衆疑虜當於故城立戍崇祖  
曰下蔡去鎮咫尺虜豈敢置戍實欲除此故城正恐  
奔走殺之不盡耳虜軍果夷掘下蔡城崇祖率衆  
渡淮與戰大破之魏書崔延伯傳蕭衍遣其左游擊  
將軍趙祖悅率衆偷據峽石詔延伯與別將伊弻生  
崔亮討之亮令延伯守下蔡延伯與別將伊弻生挾

淮爲營延伯遂取車輪去輜削銳其輻使兩兩相接  
對採竹爲紐貫連相屬並十餘道橫木爲橋兩頭施  
大輜轆轤出沒任情不可燒斫既斷祖悅等走路又令  
舟舸不通由是行軍不能赴救水經注曰淮水自峽  
石北逕下蔡故城東卽此城也唐末廢爲下蔡鎮安  
簡錄司超傳漢祖入汴改宿州西固鎮守禦都指揮  
使移屯潁州下蔡鎮與淮人戰有功舊五代史周世  
宗紀顯德三年正月乙卯車駕渡淮詔移正陽浮橋  
於下蔡二月丙寅幸下蔡斬前濟州馬軍都指揮使  
康儼於路坐橋道不謹也八月殿前都指揮使張永  
德奏破淮賊于下蔡先是江南李景以王師猶在壽  
州遣其將林仁肇郭廷謂率水陸軍至下蔡欲奪浮  
梁以舟實薪芻乘風縱火永德禦之有頃風勢倒指  
賊衆稍却因爲官軍所敗十一月庚戌殿前都指揮  
使張永德奏改濠州送糧軍於下蔡奪米船十餘艘  
十二月壬申以張永德爲殿前都點檢發陳蔡宋亳  
穎曹單等州丁夫城下蔡四年二月己亥帝自鎮淮  
軍復幸下蔡庚戌詔移壽州於下蔡宋亦爲壽州治  
宏簡錄張永德傳永德未遇時有雒陽書生能煮永  
成金永德求其法生曰君後當大貴吾不吝此慮損

君福後永德領兵屯下蔡牙帳前後隊伍部曲八百餘人皆金戟銀槊繪繡旗幟永德善騎射左右分掛十的握十矢疾馳互發叠中淮民環觀有一僧牌晚遽召之乃書生也因授以天文術數宋亦以下蔡爲壽州治徽宗政和六年又升爲壽春府南渡後金以下蔡置壽州而兩境得失不常時亦謂之北壽春以別於南壽春宏簡錄高宗紹興元年僞齊王彥先攻壽春二年四月壽春府陳下及鈴轄陳寶率兵復順昌爲僞齊取逐并失壽春十月王彥先至北壽春將渡淮劉光世扼馬家渡賊乃還六月張俊楊沂中引兵攻壽春不克八年正月僞齊知壽州宋超來歸十一年四月兀朮由壽春府渡淮復陷廬州寧宗開禧二年六月建康都統李爽攻壽州刺史徒單義拒守踰月河南統軍判官乞住及買哥等以兵來援爽大敗與其副田林僅脫身去餘兵赴淮者衆脫者纔十之四詔升壽州爲防禦以義爲使十月僕散揆以行省兵三萬出頴壽十一月克安豐七年正月揆還駐下蔡紇石烈桓端傳泰和中伐宋自壽州渡淮敗宋步騎萬五千於鵝子嶺遂克安豐軍又宣宗興定五年九

月宋人入壽州女奚烈蒲乃力戰却之哀宗正大三年宋兵掠壽州境金之亡宋復得之元史昂吉兒傳言往年金亡得壽泗而不守爲宋所乘是也元史太宗紀四年攻鈞州克之遂下商虢嵩汝陝洛許鄭陳亳穎壽睢永等州六皇后馬乃真氏乙巳年秋后命馬步軍都元帥察罕奏柔總諸軍鎮杞會諸軍攻破壽州柔欲留兵守之察罕不從凡此壽州壽春皆指下蔡也元末江淮多故下蔡縣始廢名勝志云今爲下蔡巡檢司今亦廢里道記下蔡西抵正陽鎮五十里蕭景雲下蔡古城形勝考曰下蔡有自春秋至後五代之古城有周世宗徙州治下蔡後至今之故城二城毘連俗名連城又專名古城爲連城又合下蔡四面屯兵各舊城與古城故城統名爲十二連城地脈自孤山東行又東北行折而南博厚蒼鬱距古城址數十丈開一飛鵝大障入城東南行折而南出南門貫磨盤埂而東南行結周徙之故城矣西望孤山蔓山秀色可挹惟東北淮水背去地卑遠無山障風形勢缺陷不如周徙之故城雄偉周密也又下蔡古城遺趾考曰城南北一丈餘或二丈南距磨盤二里餘周圍城趾存者高一丈餘



鳳臺縣志

卷十

八

埧數十丈北距白衣庵數十丈東距淮岸半里餘西  
距古干佛寺地基數十丈東南隅距磨盤埧數十丈  
西南隅直接菱角湖西北隅距前後馬場數十丈東  
北隅距淮岸半里餘四城門遺跡尚在無門樓南濠  
闊數十丈西南濠即菱角湖西濠北濠闊七八丈東  
無濠地卑半里抵淮城中皆為耕地古街巷無考惟  
南達壽州北達蒙城大道而巳城垣磚石數百年為  
里人取盡畧無存者又下蔡故城形勝考曰平岡自  
蒙城來至孤山東行又東北行磨盤埧東西二里餘橫  
鬱勃莽蒼至故城北半里磨盤埧起大阜俗名大孤堆  
開大障西脚前抱西脚盡處突起大阜俗名大孤堆  
約高三丈餘埧中心抽脈過峽分水建城時就硤中  
掘為大濠濠中築壩通行者脈入城半里突起文殊  
大阜約高六丈文殊阜東行支岡微斷復起結黃銅  
山約高四丈與磨盤埧東脚交鎖收濠東下之水  
殊阜西北行支岡轉西折南至大孤堆東突起一阜  
與大孤堆並峙俗名二孤堆收濠西下水文殊阜  
西南行兩邊各衍數支岡中脈南行抵淮岸止距文  
殊阜二里餘右則夏澗水匯淮淮流穿峽北行三里  
餘抵眠羊石折而東行三里餘抵城南二里餘過城

抵瑤鑑湖折而北行緣故城東三里則東岸黑石山  
與西岸黃銅山對立交鎖淮流一束此故城大水口  
也淮南諸山如列屏西南峽石如天關孤山蔓山遠  
拱右臂與大二孤堆形勢遙構東南疊嶂奔騰至黑  
石山環抱城趾左山水潏洄扼險塞要淮北雄境也又  
下蔡故城遺趾考曰南北抵東北西距各二里餘周可八  
里自文殊阜東支岡邊抵東北西隅觀星臺約一里轉  
北抵西北隅約二里又轉西抵西南隅約二里城基  
皆緣岡築起遺址存者高丈餘自黃泥岡轉南至普  
濟庵約一里城基緣岡築起遺址存者惟黃泥岡高  
里地平濱淮城基拔地築起遺址存者惟黃泥岡高  
八尺由黃泥岡東至普濟庵遺址爲里人建築石臺  
居家鄰比無復可見普濟庵至東南隅遺址無有自  
東南隅轉東約一里濱淮城基亦拔地築起遺址存  
者惟轉東里餘高或四尺三尺此城址之大概也古  
大南門在今普濟庵右距淮岸二十餘丈門樓久廢  
古小南門在大南門右半里卽今三官樓門樓尚存  
門內額嵌石刻橫列連城保障四字距淮岸二十丈  
古東門在文殊寺東岡右距淮岸半里古北門直張  
家壩距磨盤埂三十餘丈古西門在二孤堆左孟家

窪右距二孤堆南麓約四十丈門樓俱久廢此城門  
之大概也城濠由北城址距磨盤埂東距黃銅山磨  
盤埂交牙出水處西距大二孤堆交牙出水處寬八  
九丈深二三丈舊跡俱存由黃銅山之南至東門舊  
濠多淤跡在隱約而已此城濠之大概也城內四門  
古大街南大街西轉古順河街西大街北轉古公館  
園巷南轉古水巷又西行南轉古財神閣巷又西行  
南轉古小南門巷北轉古火神廟至鼓樓頭巷北  
街西轉古火巷舊址俱存此街巷之大概也按五  
代史楊承信傳時州徙治下蔡承信增廣其城又宋  
史朱景傳城外居民三千家築外城包入之則所謂  
古城或即當時所增拓亦未可知而蕭生此考極爲  
詳密可藉以存舊址下蔡新城縣西北三十八里淮  
之大凡故備錄焉下蔡新城河東岸地名月河灘  
齊書建元三年魏攻壽陽垣崇祖擊却之恐魏人復  
寇淮北乃徙下蔡于淮東卽此城也宋經注淮之  
東岸又有一城卽下蔡新城也二城對濠翼帶淮濱  
我今古城東北四里淮西岸地名瀑花頭與淮東岸  
月河灘正對南距黑石山六里此二處土人常掘得  
古城磚古軍甕土人相傳淮河舊行瀑花頭西後內

徙遂穿破新城遺址而行今東岸灘東有月河一道  
環灘三里許卽古城之上故城濠也土人猶傳瀑花頭爲上  
下蔡因在古城之中於硤石山築城拒東魏卽今縣城  
俱云梁大同中於硤石山築城拒東魏卽今縣城  
氏通鑑注引宋白曰梁于硤石山築城以拒魏卽今  
縣城也乃與紀要引杜佑曰梁于硤石山下築城以  
拒魏卽下蔡望硤石正在西南何云東岸乎諸書未得  
城自下蔡望硤石正在西南何云東岸乎諸書未得  
驗耳目硤石城在縣西北二十五里硤石山上名勝志  
其中對岸山上築二城以防津要永經注淮水過壽  
春北右合肥水又北逕山硤中謂之硤石三國魏甘  
露元年諸葛誕據壽春司馬昭遣王景軍硤石以逼  
之晉太元八年符堅大舉入寇侵壽春晉將胡彬赴  
援聞城陷因退保硤石晉書載記符融攻陷壽春龍  
驤將軍胡彬先退保硤石爲融所逼糧盡詐揚沙以示  
融軍齊永元二年裴叔業以壽陽降魏東昏侯遣蕭  
懿進討懿遣別將陳伯之溯淮西上軍於硤石以逼  
壽陽爲魏將傅永等所敗魏書李平傳蕭衍遣其將  
趙祖悅偷據西硤石衆至數萬以逼壽春鎮南崔亮

攻之未克又與李崇乖貳詔平以逼壽春持節鎮軍  
大將軍兼尚書右僕射爲行臺節度諸軍東西州將  
一以稟之於是率步騎二千以赴壽春平巡視硤石  
內外知其盈虛之所嚴勒崇亮令水陸兼備剋期齊  
舉崇憚之無敢乖互頻日交戰屢破賊軍安南將軍  
崔延伯立橋於下蔡以拒賊之後軍賊將王神念昌  
義之等不得進救祖悅守死窮城平乃部分攻之令  
崔亮督陸卒攻其城西李崇勒水軍擊其東面然後  
鼓噪南北俱上賊衆周章東西赴戰屠賊外城賊之  
將士相率歸附祖悅率其餘衆固保南城通夜攻守  
至明乃降李崇傳淮堰未破水勢日增崇乃於硤石  
戍間編舟爲橋北更立船樓十各高三丈十步置一  
籬至兩岸藩板裝治四箱解合賊至舉用不戰解下  
又於樓船之北連覆大船東西竟水防賊火棧梁晝  
侯景傳太清元年景與腹心數騎自硤石濟淮稍收  
散卒得馬步八百人奔壽春陳大監五年吳明徹等  
伐齊軍至硤口克其北岸城南守者棄城走淮北諸  
城皆東降硤口卽硤石口也隔晝李雄傳韋元寬畧  
定淮南雄以輕騎數百至硤口說下十餘城又於顗  
傳大象中以水軍總管從韋孝寬經畧淮南攻拔壽

陽復引師圍硤石守將許約懼而降唐武德七年李  
世勣討輔公祐渡淮拔壽陽次硤石通經硤石以淮  
水中流分界在西岸者爲西硤石屬下蔡在東岸者  
屬壽春杜佑曰硤石東北卽下蔡城是也按硤石山  
左右今有四城址一在東硤石頂舊址滅沒逕一里  
餘耕夫時得箭鏃一在西硤石頂迤西微平處俗名  
城子山西北隅尚有遺址卽水經注所謂對結二城  
以防津要者也一在禹王山中築城以禦東魏者一  
自山腰起遺址僅存卽大同中築城卽梁趙祖悅所築  
在長山北麓連岡迤邐僅二里餘卽梁趙祖悅所築  
外城徙緣淮民以實之馬頭戍城在城西北十八里  
者四城相距不及五里馬頭戍城在城西北十八里  
合肥魏人守壽陽於馬頭置戍梁書武帝紀普通五  
年十一月裴邃攻壽陽之安城剋之景寅魏馬頭安  
城並來降裴邃傳大將軍將北伐以邃督征討諸軍  
事率騎三千先襲壽陽以援絕拔還屠安成馬頭沙  
陵等戍侯景傳太清二年二月景遂發兵反攻馬頭  
木柵執太守劉神茂戊戌主曹璆等天清一統志馬  
頭戍城在壽州西北二十里南北朝時淮濱戍守處  
魏書地形志梁郡蒙縣有馬頭城按馬頭戍城卽今

之石馬店後倚龍爪白石諸山前臨淮水當水陸路  
之衝山北大道由下蔡渡淮過壽唐關抵石馬店山  
中數間道由花苑城分途一自石潮山西八筭山套  
過大石觜越土門對廬題山西馬跑泉邊出老東山  
抵石馬店一自李家衝沈綠橋浩瀚潤踰廬題山巔  
南出圖山抵石馬店一自魏家山口入茅家衝過官  
山口散家衝踰西縵山口下梁家套出小節山抵石  
馬店東陸路皆會于此緣山入壽陽城淮上南北水  
軍道皆經此正當破石東南誠扼塞據要之地也城  
址無存惟舊街頭關帝廟數椽內有北社學殘碑明  
嘉靖三十八年已青岡城晉書紀載太元八年謝元  
未知壽州呂穆立青岡城等敗符堅于肥水乘勝追  
擊至於青岡胡氏通鑑注謂去今壽春縣西三十里太  
平寰宇記青岡高一百步在壽春縣西一十三里晉  
書云謝元敗符堅於青岡死者如麻卽此岡也援青  
岡在淮北宋時下蔡縣地非壽春也天下名勝志青  
岡城在州西二十里謝元所築岡高百步臨肥水此  
卽東肥河也援青岡在西肥河側以爲東肥河亦非  
今其地在縣西北三十五里之水碧村岡東距淮岸  
二十里西南距潁口四十里西北距夏肥河七里北

距夏肥河六里天下名勝志謝東臨肥河亦誤東北  
距硤石山十里南北寬約十里此岡居淮肥之中自  
壽陽赴潁上走中原爲通道謝元築城於此固爲禦  
秦善後之計亦兵家防戍要地也城方整四面各一  
里遺址闊四五丈高或三四丈城中有臺高約六七  
尺傳是當時主軍者建牙之所今鄉人居其上四門  
遺址微存城外四周古濠闊約三四丈深約三四尺  
農人種禾作良田矣宋書索虜傳永昌王破劉康祖  
於尉武引衆向壽陽魏昌城年浮山堰成淮水漲泛  
自青岡屯孫叔敖冢魏昌城於八公山之東南以備  
魏揚州刺史李崇築魏昌城於八公山之東南更起一城  
壽陽城壞魏書李崇傳於八公山之東南更起一城  
以防大水州人號曰魏昌城後李崇封魏昌縣開國  
伯故州人以名其所築城耳亦謂之石城太平寰宇  
記石城在縣北四里梁普通中作荆山堰遏淮水以  
灌壽春魏揚州刺史李崇懼水入城于肥陵山南築  
城以防水是也今曲陽故城縣東北漢河平二年封  
舊址畧無可考曲陽故城縣東北漢河平二年封  
主根爲曲陽侯國屬九江郡地里志注應劭曰在淮  
曲之陽故名後漢曰西曲陽以下邳有曲陽故加西



也晉後省魏書地形志彭沛二郡治南陽縣有曲陽城隋志定遠縣有舊九江郡後齊廢為曲陽縣尋廢寰宇記廢西曲陽縣在壽春縣東北八十里南臨洛水又曰在定遠縣西北九十五里縣舊志曲陽城在城北稍東八十里按曲陽故城當在懷遠縣洛河之南與壽春東北八十三里定遠西北九十五里之文俱合鳳臺東北境止五十五里無緣北至洛河也以一統志及舊志所載故仍列而辨之小肥陵城地理通釋八公山一名肥陵山下有小肥陵縣舊址無考按史記淮南厲王傳殺開章為棺柳衣衾葬之肥陵邑又俾聚土表其上曰開章死埋此下正義曰括地志云肥陵故縣在壽州安豐縣東六十里在故六城東北百餘里索隱曰肥陵地名在肥水之上唐書地理志安豐武德七年省肥陵縣入焉太平寰宇記安豐廢小肥陵縣在縣東六十里唐武德七年廢據括地志及唐書則肥陵縣不當在八公山下史記云葬之肥陵邑而漢書地理志無此邑不知何時廢其後又不詳何時置而唐并省之淮南厲王都壽春殺開章似不當遠葬諸安豐東又八公山有肥陵之稱而安豐以東傍肥水者無山阜之跡

梁城

涓城

水經注淮水又東逕梁城臨側淮川之

僧修率羽林勁勇出梁城方輿紀要梁城灘蓋北齊

及梁城當在今縣東北胡家集淮河北岸之焦家灘

按梁城為水溝河乃淮河引支成流故方輿紀要謂在

淮水中也難東北距密河口即古洛口里數與蛇城

方輿紀要合惟梁城渭城遺址淮水蕩沒無考蛇城

水經注微水逕蛇城城南又麻其城東按蛇城在縣西

北四十餘里焦岡湖西北之虎頭岡西畔焦岡湖即

水經注所稱椒水也今仍逕蛇城南歷其城東遺址

周遭里餘高四尺餘廣六丈餘南距黃家壩六里係古

距五子臺六里東傍虎頭岡西距黃家壩六里係古

屯戊處晉以後南北兵爭由壽陽渡肥口至淮北岸

抵穎則今之董奉岡焦岡虎頭岡南朱毛集夏家集皆

淮穎通道故董奉岡焦岡虎頭岡南北東西多屯戌

之城扼要害也此城遺址踞元康城水經注肥水流

岡高處故不為湖水所沒元康城水經注肥水流

按元康城不知何由得名晉書武帝紀元康四年壽

春水出山南地陷壞城府城或是時所營耶考其地

鳳臺縣志卷一古蹟

當在八公山下肥水北曲處土名姚花靨鎮名勝志  
灣城址雖廢耕者猶時得古城磚  
錄云紹興二年廬壽鎮撫使王亨收復安豐軍之花  
靨鎮後因爲樵場宏簡錄金將奧屯襄傳泰和六年  
從僕散揆伐宋遣揚兵下蔡聲言欲渡宋帥彭汝礪  
姚公佐悉銳師屯花靨以脩抹撚史挖搭傳從行省  
出穎壽克安豐戰花靨功居多岳珂程史義驢傳開  
禧間虜大人淮甸九江戌校王成狗地至花靨按鎮  
有城在今縣西北二十五里之窰頭灣蕪荑洲上東  
南距東肥會淮之西岸十五里東北距夏肥至硤石  
會淮之南岸三里餘西北距夏肥五里距兩淞城三  
里南距窰頭岡二里洲本高大近爲淮肥暴漲蕩洗  
低狹南北存一里餘東西存半里餘鄉人呼爲蕪荑  
洲城址隱現微存磚瓦滿地多賞軍瓶碎片父老傳  
爲南北朝時舊鎮不識何名也此洲居壽陽下蔡穎  
上三路水陸之中又與壽陽下蔡爲犄角之勢誠戍  
守要地當是古花靨鎮按今縣西北十八里爲古馬  
頭戍二十里爲古壽唐關二十六里爲古硤石城  
白壽唐關至硤石中間淮通山根無可立鎮處二十  
五里爲山北古花苑城皆非鎮所惟此洲形勢里數

與諸書所稱合繫年錄金僕散揆等入寇遣將楊兵  
下蔡聲言欲涉守將何汝礪悉衆屯花壓鎮備之此  
洲正扼下蔡赴壽陽要道又云後因爲榷場此洲近  
陝石淮肥商船必經之地可作榷稅場所徵之往事  
尤足證佐不知宋後廢自何時面水山口鎮資治通  
蕩無已恐繼此遺跡亦盡滅沒矣山口鎮鑑周顯  
德二年十二月己卯奏前鋒都指揮使白延遇敗唐  
兵千餘人於山口鎮舊五代史世宗紀顯德二年十  
二月己卯李穀奏破淮西賊千餘人於山口鎮宋史  
李穀傳顯德三年穀敗吳軍千餘人于山口鎮進攻  
上密又舊五代史顯德四年二月廬州都部署劉重  
遇奏殺賊三千人於壽州東山口胡氏注曰此時唐  
蓋置鎮於六安山口按薛史本紀顯德四年劉重遇  
奏殺紫金山潰兵三千人於壽州東山口又疑置鎮  
於此地未知孰是按山口鎮卽今城東十里之山荒  
舖東距平山二里北距紫金山三里南距邱家岡四  
里控據要道倚山臨肥形勢扼塞近城之保障也是  
時濠州尚爲南康守李穀兵圍壽州東拒濠州援兵  
耳尉武亭元暮沈慶之等入河康祖率豫州軍出許

洛元暮等敗歸虜引大衆大度南平王鑠在壽陽上  
慮爲虜所圍召康祖速反康祖回軍未及壽陽數十  
里會虜永昌王庫仁眞以長安之衆八萬騎與康祖  
相及於尉武康祖凡有八千人軍副胡盛之欲附山  
依險間行取至康祖怒曰吾受命本朝清蕩河洛寇  
今自送不復遠勞王師犬羊雖多實易摧滅吾兵精  
器練去壽陽裁數十里援軍尋至亦何患乎乃結車  
營而進虜四面來攻大戰一日一夜殺虜填積虜分  
衆爲三且休且戰以騎負草燒車營康祖率厲將士  
無不一當百虜死者大半會矢中頸死於是康祖敗  
平穆王鑠傳虜乘勝逕進至尉氏津逢康祖康祖敗  
見殺賊進脅壽陽資治通鑑帝恐魏兵至壽陽召劉  
康祖使還癸卯仁將八萬騎追及康祖於尉武康祖  
有衆八千人軍副胡盛之欲依山險間行取至康祖  
怒曰臨河求敵遂無所見幸其自送奈何避之乃結  
車營而進下令軍中曰顧望者斬首轉步者斬足魏  
人四面攻之將士皆殊戰自旦至哺殺魏兵萬餘人  
流血沒踝康祖身被十創意氣彌厲魏分其衆爲三  
且休且戰會日莫風急魏以騎負草燒車營康祖隨  
補其缺有流矢貫康祖頸墜馬死餘衆不能戰遂潰

魏人掩殺殆盡考異曰宋畧及南平王傳皆作尉氏  
按康祖傳云去壽陽裁數十里然則非尉氏也今從  
康祖及索虜傳作尉武胡三省注曰今按沈約志秦  
郡有尉氏縣秦郡治堂邑屬南兖州非南平王錄所  
統其地又不在壽陽非數十里溫公之考覈精矣按  
北史拓拔焜傳尉武亭名劉康祖戰死於此兆洛  
按劉康祖傳作尉武南平王傳作尉氏津必有一訛  
云距壽陽數十里又云依山附險則其地當在今壽  
唐關左右康祖自洛旋師必渡淮而南庫仁真入萬  
之衆豈能猝然渡淮遂與庫仁真之衆相接胡盛之欲  
尾之而南既渡淮則欲還其軍而過遂至敗沒也今下  
依險間行康祖則欲還其軍而過遂至敗沒也今下  
蔡之南有渡口曰魏家渡渡淮即直趨壽唐關魏尉  
聲近即古尉氏津歟宋書文帝紀左將軍劉康祖於  
壽陽尉武伐與虜戰敗見殺伐又亭與津之訛文也  
又通鑑南平王鑠使左軍行參軍王羅漢以三百人  
戊尉武魏軍至衆欲依卑林以自固羅漢以受命居  
此不去魏人攻而擒之今魏家渡濱淮之地猶多柳  
矣

林連珠寨

舊五代史周世宗紀李景遣其弟偽齊王  
達率全軍來援壽州遂留駐濠州遣其將

卷一百一十五

古蹟

三

許文綬邊錫朱元領兵數萬沂淮而上過紫金山設  
十餘砦與城內鋒火相應又築夾道數里將抵壽春  
爲運糧之路爲李重進取敗帝率諸軍駐於紫金山  
下命今上率親軍登山擊賊連破數寨斬獲數千斷  
其來路賊軍首尾不相救翌日盡陷諸砦殺獲甚衆  
宋史張永德傳世宗親征至壽州領前軍至紫金山  
吳人列十八寨戰備嚴整敵壘西偏有高隴下瞰其  
營中永德選勁弓強弩伏隴旁太祖揮兵直攻第一  
壘戰陽不勝淮人果空寨出門永德急登隴發伏馳  
入據之敵衆散走按連珠寨舊壘今存者二一在城  
東北十里紫金山西麓周遭里餘遺址高四尺廣七  
八尺一在紫金山東南二里遺址周遭里餘高四尺  
餘廣趙步梁乾化三年遣王景仁侵廬壽淮南將徐  
丈餘趙步梁乾化三年遣王景仁侵廬壽淮南將徐  
溫等遇於趙步却之周顯德四年周主自將畧淮南  
自下蔡軍於趙步大破唐兵於紫金山餘衆沿淮東  
走周主自趙步將騎兵數百循北岸追之諸將以步  
騎循南岸追之水軍中流而下唐兵奔潰胡氏曰趙  
步南直紫金山王象之曰趙步在淮河北岸水濱泊  
舟之地土人坎岸以爲道而上下謂之步趙步以趙

八居此而名也今自壽州花屬鎮沿淮東下百餘里  
即趙步灘按今新渡口南直紫金山灘北為小河又  
北距趙家岡嘴五里縱五里橫十餘里舊名趙家  
渡久無趙氏居此而岡與渡尚以趙名其流傳遠矣  
石橋堅遺武衛將軍武都王監前將軍張蚝帥步騎  
二萬救之大司馬溫遺淮南太守桓溫傳  
石虔等擊鑒蚝於石橋大破之胡氏注曰據桓溫傳  
石橋在肥水北按常在石橋大破之胡氏注曰據桓溫傳  
肥口徑渡水路由肥水而進陸路依肥水北岸而進  
桓伊等敗之於此爭要害也後於此置壽春驛亦以  
赴穎通道也近淮肥屢肥橋資治通鑑周顯德三年  
漲遺蕩沒沒無存矣肥橋資治通鑑周顯德三年  
橋自取一石馬上持之至寨以供礮從官過橋者人  
齋一石胡氏曰肥橋於肥水上為橋也按世宗營於  
城西北肥水之陽行視水寨則泝肥下蔡浮橋資治  
流面上肥橋當即今之東津渡矣下蔡浮橋通鑑  
周顯德二年伐南唐李穀等為浮梁自正陽濟淮三  
年命諸軍圍壽州徙正陽浮梁於下蔡鎮二月下蔡



浮梁成上自往觀之八月殿前都指揮義成節度張  
永德屯下蔡唐將林仁肇以水陸軍援壽春永德與  
之戰仁肇以船實薪芻因風縱火欲焚下蔡俄而風  
回唐兵敗退永德爲鐵鍊千餘尺距浮梁十餘步橫  
絕淮流繫以巨木由是唐兵不能近九月壬午張永  
德奏敗唐兵於下蔡是時唐復以水軍攻永德永德  
夜使善游者沒其船下縻以鐵鎖縱兵擊之船不能  
進卽古下蔡浮橋處按堰壩橋卽魏家橋亦名新橋  
在下蔡故城南門外淮河南岸距壽唐關八里北距  
淮岸百步跨套子河上淮八壘灘讀史方輿紀要在  
水遷徙南北稍易位矣九年換分兵九路出穎壽至淮  
宋史僕散揆傳泰和九年換分兵九路出穎壽至淮  
宋人拒于水南揆遣人測淮水惟八壘灘可涉乃遣  
完顏賽不花先等潛渡駐南岸揆麾大軍直壓其陣  
敵不虞我猝至皆潰走死於水者不可勝計進奪穎  
口下安豐軍按灘在今縣城西十里肥口入淮西南  
行十二里之賀家淺俗名八里灘灘勢西南至東北  
長八里灘抵河南岸半里抵河北岸半里餘此處淮  
流緩淺兩岸多賀姓居住故名賀家淺不逢暴漲水

僅及胷可馬家渡宏簡錄本紀紹興二年十月王彥先至北壽春將渡淮劉光世扼馬

家渡又劉豫傳豫將王彥先自亳引兵至壽春將窺

江南劉光世扼馬家渡遣鄺瓊瓊駐無為軍為濠壽聲

援乃還按此渡當在縣皆要阨之地具載史冊又有

境濱淮處而其地無考

花苑城在縣西北二十七里下蔡故城外淮河南

也下蔡渡淮自花苑城南行稍西由壽唐關緣山達

壽春城稍東由石湖山入笏山套過大石嘴越土

門對廬題山西馬跑泉邊山老東山抵石馬店達壽

春城又稍東由李家衝沉綠橋浩瀚澗踰廬題山巔

南出圖山抵石馬店達壽春城又稍東由魏家山口

入茅家衝越官山口穿散家衝踰西縵山口過花馬

劉碑傍八公山西踰五株山南達壽春城浮淮水軍

上下必經城外諸路統會據險扼要與山南馬頭戍

城遙相應援誠守戍重地也城址周遭約一里餘城

東一里烟墩坂昔舉烽火處坂仍在里人每於廢城

中掘地得舊留輔城在縣西北三十五里留輔岡山

盛箭鏃朽麥

鳳臺縣志 卷十 古蹟 七

岸二里東南距黑石山資壽寺四里西距孤山八里  
岡勢崑崙爲下蔡兩城後障不知何代建城屯兵於  
此捍護兩城今舊城遺址惟存柳城相縣西北四十  
東南十數丈餘皆瓦礫而已  
岸東南距下蔡故城十八里地當蒙城赴下蔡衝道  
古建城於此亦屯兵守戍者城久廢無跡可尋邑中  
父老間有稱述詢煉城在縣城西北北四十五里去下  
之居人不知也  
淮河十六里南距孤山十三里西距肥河十八里自  
蒙城縣赴下蔡道由劉巴集新集煉城在新城傍控  
南北衝衢爲下蔡支輔重地古建城於此屯兵防雨  
戊懸溯世代當在五代遼金元時城久廢無跡  
淋城五里北距夏肥河二里長鬚岡上東北距硤石山  
十餘里南距窰頭岡一里西距夏家集十里自壽陽  
赴潁上道傍戍守要地又與壽陽下蔡爲犄角之勢  
城不知建於何代相傳行軍時雨中築城故曰雨淋  
城周遭三里餘遺址半沒多瓦礫及賞軍破瓶而已  
羅城在縣西北二十五里北距董奉岡五里東距福天窪半

里西距插花廟五里城係古屯戍處木城在縣西北  
周遭里餘西南迤北遺址隱約尚存木城六十里雙  
橋集東北三里有臺曰五子臺高四丈基週二百餘  
丈環臺有濠廣二百餘步深三尺相傳臺外濠內古  
有木城係戍兵之所與青岡蛇城爲犄角之勢臺上  
有寺寺內成化十四年鐘載壽州下蔡西鄉本城村  
五子臺今則并木城薛家集古城在縣西北薛家集  
村之名而無之矣薛家集古城在縣西北薛家集  
二三尺廣二三丈南北相距二里東西相距一里餘  
周遭七里餘不知何代建置當亦南北朝時屯兵處  
蒙城達下蔡由界溝丁家諸集道路間多城壘潁上  
達壽陽由正陽關乃大道由青岡董奉諸岡乃便道  
惟此處西北至亳州東南至下蔡壽陽道里遼闊既  
無中據州縣又無兵屯兵家乘間多攻不備故建城  
於此扼塞間道其荒廢當亦在元明時今有劉雖板  
姓數十家居城址中城址外皆平原禾麥地也雖板

築之址猶存而於古無考皆用兵時分戍之所矣八

公山

在縣北五里亦曰北山三國魏志甘露二年諸葛誕據壽春吳文欽馳救從城西北山乘險將

鳳臺縣志

卷十

六

其衆突入城司馬昭勅基轉據北山又北魏書李崇傳大水入城屋宇皆沒州府勸崇棄壽春保北山是也亦名肥陵山通鑑地理通釋八公山一名肥陵山在縣北四里晉書載記袁瑾固守壽春爲桓溫所圍遣使請救於符堅堅遣王鑒張蚝率步騎二萬救之鑒據洛澗蚝屯八公山桓溫遣將夜襲鑒蚝敗之建元十七年符堅將兵百萬水陸並進堅與符融登壽城望王師見部陳齊整將士精銳又北望八公山草木皆類人形顧謂融曰此亦勁敵何謂少乎憮然有懼色初朝廷聞堅入寇會稽王道子以威儀鼓吹求助於鍾山之神奉以相國之號及堅之敗見草木狀人若有力量焉水經注八公山無樹木惟童阜耳上有淮南王劉安廟劉安是漢高帝之孫厲王長子也折節下士薦好儒學養方術之徒數十人皆爲俊異焉多神仙秘法鴻寶之道忽有八公皆鬚眉皓素詣門希見門者曰吾王好長生今先生無住衰之術未敢相問八公咸變成童王甚敬之八士並能鍊金化丹出入無間乃與安登山薤金于地白日昇天餘藥在器雞犬舐之者俱得上昇其取昇之處踐石皆陷人馬跡存焉故山卽以八公爲目余登其上人馬之跡

無聞矣。惟廟像記焉。又曰：昔在晉世，謝元北禦符堅，所八公山及置陣於肥水之濱，堅望山上草木皆爲人狀，非八公之靈，有助蓋符氏將亡之惑也。魏書高祖紀：太和十有脫年春正月己亥，車駕濟淮。二月甲辰，幸八公山。又李崇傳：崇都督淮南諸軍事時，有泉湧於八公山頂，天下名勝志云：宋武帝嘗登八公山，劉安臺歎曰：「下視城郭如正帛之繞花叢。」宋史：趙贊傳：世宗留贊圍壽春，會吳遣大將魯公綰率十萬餘衆，沂淮奄至，跨山爲柵，阻肥水，俯瞰城中。贊與楊承信斷吳人餉道，蓋卽八公山也。今城猶依山爲固矣。紫金山在縣東北十里，舊五代史：李景遣其弟僞齊王達率全軍來援壽州，達留駐濠州，遣其將許文縵、邊鎬、朱元領兵數萬，沂淮而上，至紫金山，列十餘寨，與城內烽火相應，亦名紫荆山。宋史：高宗紹興二年，僞齊劉豫遣其子麟由壽春而犯合，肥姪猗由紫荆山出渦口，而犯定遠，方輿紀要云：紫金山卽紫荆也。太平寰宇記：引輿地紀勝云：紫金山卽八公山，在州東北十里，山有車轍馬跡，是淮南王賓客之遺。曾有獲小金牌於此，可以療病，疑爲丹砂所化。宋史：王德傳：金人自合，肥入，侵德至柘皋，與金人夾石朶。

河而軍令萬兵持長斧如墉而進敵大敗退屯紫金  
山我自拓皋至紫金山相距三百餘里金兵退走未  
必如此之遠而自巢縣以北別無硤石山在縣西北  
紫金山之名豈史文有誤耶侯考硤石山二十里宋  
經注淮水又北逕山硤中謂之硤石名勝志引志云  
兩崖上有大禹疏鑿舊跡淮水居中分界西岸爲下  
蔡東岸爲壽春今硤石東山高二十餘丈壁石如疊  
帶中亘大石山巔石尤岵略自南望兩峽如豹闕自  
北望如兩龍飲水觚觸盤嬉淮流鎖鑰誠爲津要  
山陽腰間有舟人牽百丈路僅容足西北崖近水舊  
傳有神禹蚪蚪書今淤塞不見由東峽石抵西硤石  
中間八十三丈淮流穿山麓行漲高則麓沒漲平則  
麓出東硤自東南來西硤自西北來兩麓交錯阻遏  
偪蹙禹鑿寬平使淮迅下蓋本兩山而疏之非一山  
鑿而兩之也然渦旋湍急觸石壞舟往往不免西峽  
石山麓森石岵岵側足而立仰觀壁如斧削高十餘  
丈東南崖高約八丈腰以上有宋咸淳硤石築城記  
磨崖刻之宋呂祖東南防守利便及天下名勝志俱  
以此硤石爲卽魏將賈逵據夾石以援曹休者甚塌  
誤賈逵所據之夾石在今桐城縣也餘詳硤石城塌

山舊五代史周顯德三年十二月戊子淮南道招討使李重進奏破淮賊二千八人於塌山今縣東北石嶺山左有中塌山東塌山皆與紫金山相連唐援兵自紫金達下蔡之路也鷓鴣石恒端傳伐宋自壽州渡淮敗宋步騎萬五千于鷓鴣子嶺遂克安豐軍金之壽州卽下蔡宋之安豐軍卽壽春則戰地當龍岡元史李進傳荆山之西九十里北山中今無考龍岡里曰龍岡者宋境也奉張柔在北山中今無考龍岡里曰龍岡者宋境也奉張柔檄引兵築堡岡上會淮水泛漲宋以舟師卒至進以十五人載一舟轉門十餘里奪一巨艦按今懷遠縣荆山以西濱淮之山惟平阿山耳今縣境平阿山與懷遠分界距宋時之荆山東三面距縣俱不過二十里阿之淮水更記秦始皇二十八年於泗水中求周鼎異名乃西南渡淮水之衡山南郡黃初五年爲水軍親御弗得蓋在縣北資治通鑑魏黃初五年爲水軍親御度處蓋在縣北資治通鑑魏黃初五年爲水軍親御龍舟循蔡穎浮淮如壽春晉咸和三年祖約以壽春叛約諸將陰與後趙通趙將石聰等遂濟淮攻壽春約兵潰走歷陽齊建武二年魏主入寇濟淮至壽陽又循淮而東至鍾離唐會要元和十一年置淮鎮水



運揚子等院米自淮汴流至壽入潁口蓋淮水爲南  
北津要縣實當其衝矣資治通鑑周顯德四年幸淮  
上先是周與唐戰唐水軍銳敏周無以敵之帝每以  
爲恨返自壽春於大梁城西汴水側造戰船數百艘  
命唐降卒教北人水戰數月之後縱橫出沒殆勝唐  
兵至是命驍衛大將軍王環將水軍數千自閭河沿  
潁入淮唐人見之大驚三月唐將朱元降帝慮其餘  
衆沿流東潰遽命虎捷左廂都指揮使趙晁將水軍  
數千沿肥水今名東肥河自壽州流入境行縣境二  
將率兵救袁瑾屯洛澗先遣精騎五千次於肥水北  
晉書載記張蚝敗謝石於肥南謝元謝琰勒衆數萬  
陣以待之蚝乃退列陣逼肥水王師不得渡遣使謂  
融曰置陣逼水此豈欲戰者乎若小退師令將士周  
旋僕與君公緩轡觀之不亦可乎融乃麾軍遂奔  
退制之不可止晉中興書曰符堅率衆五十萬向壽  
春謂符融曰晉人若知朕來便一時還南固守長江  
雖百萬之衆無所用之今秘吾來令彼不知彼顧江  
東在此必當戰若其亂敗求守長江不復可得則吾  
事濟矣乃秘不言堅自來于是以小將旗列屯肥北

晉征虜將軍謝石冠軍將軍謝元輔國將軍謝琰西  
中郎將桓伊等並阻水南一時涉渡肥水融曰及其  
未成列擊之必克也堅曰不然吾長於步彼便於水  
今捨步入水是以所短擊其所長非良策矣可須彼  
渡水一時擊之彼旣背水進退無術乃可盡殺然後  
船舫渡江直指會稽觀禹朝會之處不亦樂乎列陳  
以待晉軍旣濟戰於肥河北堅被重創三軍潰亂堅  
馳還長安水經注肥水西北流昔在晉世謝元北禦  
符堅置陣於肥水之濱此卽符堅戰敗處按其地當  
在今八公山西南河灘平濶處○宋書殷敬珉傳劉  
劭攻杜叔寶于壽陽黃回立航渡肥水叔寶遣馬步  
三千欲破叔航并柵斷小覲球回擊大破之焚其船柵  
南齊書裴叔業傳叔業登壽春城北望肥水謂部下  
曰卿等欲富貴乎梁書垣崇祖傳齊建元二年虜遣  
僞梁王郁豆眷及劉昶馬步號二十萬寇壽春崇祖  
召文武議曰賊衆我寡當用奇以制之當修外城以  
待敵城旣廣濶非水不固今欲堰肥水却淹爲三面  
之險諸君意如何衆曰昔佛狸侵境宋南平王士卒  
完盛以郭大難守退保內城今日之事十倍於前古  
來相承不築肥堰皆以地形不便爲積水無用故也

若必行之恐非事宜崇祖曰卿見其一不識其二若  
捨外城賊必據之外修樓櫓內築長圍四周無碍表  
裏受敵此坐白爲擒守郭築堰是吾不諫之策也乃  
於城西北立堰塞肥水堰北起小城周爲深塹使數  
千人守之崇祖謂長史封延伯曰虜貪而少慮必悉  
力攻小城圖破此堰見塹城小謂一往可克當以蟻  
附攻之放水一激急踰三峽事窮奔逸自然沈溺此  
豈非小勞而大利耶虜衆由西道集南分軍東路內  
薄攻小城崇祖著白紗帽肩輿上城手自轉式至日  
哺時決小史垓水勢奔下虜攻城之衆漂墜塹中  
馬溺死數千虜衆退走按崇祖堰肥水淹爲三面之  
險以保壽春外城蓋是時外城東南兩面皆臨肥也  
堰當築於今二里壩北肥水北屈處小史垓或卽殷  
敬珉傳所謂小峴垓也太平寰宇記安豐縣廢小史  
垓在縣東五十二里此垓上源號施水又曰支津魏  
志云武帝征孫權從東漕口至江際各爲柵欄口遣  
小史何文憲問因以名名勝志引寰宇記以爲一名  
肥水堰按垣崇祖堰肥以保壽陽又登城指揮決堰  
安得遠至安豐東五十里乎天清一統志于壽州  
肥水堰下又引梁書韋叡傳天監四年進討合肥叡

按行山川乃堰肥水堰成水通舟艦繼至魏兵來鑿堤堰親與爭之攻具既成堰水又滿魏救兵無所用城遂潰按韋叡所堰之肥乃合肥城外遙巢湖之肥不當在壽春○南史裴邃傳魏壽陽守將長孫承業河間王元琛出城挑戰遂臨淮歎曰今日不破河間方為謝元所笑乃為四甄以待魏眾大敗按此臨淮當為臨肥出城挑戰不得遠至淮濱也金史僕散安貞傳興定元年伐宋安貞至安豐宋兵七千拒戰擊敗之追至肥水死者二千餘人時宋置安豐軍于壽春也元史史天澤傳進攻壽春獨當一面宋兵夜出砍營天澤手擊殺數人麾下兵繼至悉驅其兵入淮水死此淮水亦當為肥水千寶晉紀曰司馬文王討壽春四面合圍塹壘甚峻初壽春每歲雨潦淮水溢常淹城邑故文王之築圍也譏笑之曰是固不攻而自敗也及大軍之攻亢旱踰月城既陷是日大雨圍塹皆毀此淮水溢即指肥水也淮水漲則肥水不得出而漫淹城邑矣北齊書王琳傳吳明徹圍壽陽堰肥水灌城城內水氣轉侵人皆患腫死病相枕讀史方輿紀要曰肥水經壽陽城外引流入城交絡城中堰肥水灌城其勢順易按范氏此言因水經注之

芍陂濱入芍陂門而北出故云其實古壽春城在今  
城西南今城但引肥爲濠不能引流入城每遇淮肥  
盛漲水幾浸城之半故引肥入城爲非策也至昔人  
過水灌城乃高下之勢亦不必引流入城爲非策也  
太平寰宇記吳明徹堰在州西北三里徹爲陳將攻  
齊引芍陂水以灌壽春按芍陂在城北入肥故亦  
得通言之云在州西北三里當亦在垣崇祖作堰處  
矣新五代史劉仁贍傳世宗攻壽州圍之數重以方  
舟載礮自肥河中流擊其城又束巨竹數十萬竿上  
施板屋號爲竹龍戰甲士以攻之又決其水砦入於  
肥河攻之百端自正月至於四月不能下而歲大暑  
淋雨彌旬周兵營寨水深數尺淮肥暴漲礮舟竹龍  
皆漂向南岸爲唐兵所焚春明退朝錄家有范魯公  
雜錄記世宗親征忠正軍駐蹕城下中夜有白虹自  
肥水起亘數丈下貫城中數刻方沒宏簡錄張瓊傳  
宋太祖從周世宗攻壽春太祖乘皮船入濠城中弩  
射矢大如椽瓊亟以身蔽太祖矢中其股死而復蘇  
資治通鑑周顯德三年世宗圍壽春命前武勝節度  
使侯章攻壽州水砦決其濠之西北隅導濠水入于  
肥按城西北隅濠水通肥處卽今之二里壩矣今濠

本連引西湖時壽州水寨當在西湖故堰濠以蓄水  
導之入肥所以洩之也今濠水亦高於肥秋冬水落  
湖輒成陸矣○（水經注）肥水又西北注于淮是曰肥  
口按今名兩河口距城十里（三國魏志武帝紀建安  
十四年秋七月自渦入淮出肥水軍合肥蓋自淮入  
肥兩河口為要津矣（晉書載記）潁川太守姚平言於  
姚興曰劉裕屯聚芍陂有擾邊之志興以告楊佛嵩  
嵩曰若臣以此役者當從肥口濟淮直趨壽春屯城  
掠野使淮南蕭條兵粟俱了義熙十三年劉裕伐秦  
遣王鎮惡等自淮肥向許洛宋景平元年魏人入寇  
淮南時廬陵王義真鎮壽陽遣其將孫叔狸將兵屯  
肥口以備之永元二年魏取壽陽陳伯之引兵攻之  
傅永將兵救壽陽擊伯之軍入肥口大破之陳大建  
十一年周侵淮南梁士彥至肥口與韋孝寬合軍圍  
壽陽（隋書）崔洪度傳宣帝嗣位從鄖國公韋孝寬經  
畧淮南宏度與化政公宇文忻司水質婁子幹至肥  
口陳將潘琛率兵數千來拒戰隔水而夏肥水（水經  
陣忻遣宏度諭以禍福琛至夕而遁  
水又北夏肥水注之（按）青岡城蛇城雨淋城多在肥  
水之側而自古用兵鮮有取道夏肥者蓋夏肥之西

則潁東則渦自許則浮蔡入潁而達淮自譙則浮渦而達淮勢皆暢順夏肥之流盤曲迂回不利舟楫故也元史世祖紀至元三年亳州水軍千戶胡延等渡肥水逾荆山與宋兵戰殺獲甚衆此肥水蓋指夏肥渡處當在今潁尾左傳昭十二年楚子狩于州來次關墜左右潁尾於潁尾杜氏注曰潁水之尾在下蔡我今爲潁上縣之八里梁與縣境之楊家腦毘連也亦謂之潁口晉太元八年符堅入寇使符融引軍三十萬先至潁口唐建中三年李希烈阻兵淮西江淮輸物留梗詔徙餉道自潁口入汴宋紹興三十一年金亮南侵詔淮西諸軍保潁口蓋戰爭輸運要隘之地矣椒水卽今之焦岡湖又城北合椒水水上承淮水東北流逕蛇城南又歷其城東亦謂之清水東北流注於淮水謂之清水口者是此水焉按今縣西南五十里淮北岸魯家溝卽水經注所稱椒水上承淮水者也魯家溝入催糧溝由焦岡湖西北涯入湖東北行卽水經注所稱東北流者也由湖東北涯出燕湖注於淮卽水經注所稱清口水者也今魯家溝淤塞非淮漲不能引水入湖而燕湖淤塞出水亦不由故道矣口外雞心灘曰淤口

潤而清水由湖東北出口仍東北注淮故道為灘南  
逼改而東南注淮矣椒之訛為焦不知始于何時按  
元史孔元傳戊戌從攻焦湖圍壽春先登拔其西堡  
辛亥攻五堂山砦俘其眾以歸此焦湖當卽今之焦  
岡湖而他無可証西堡五堂山砦亦不能詳其處姑  
附著之天清一統志焦岡湖在壽州西三十里相  
連者為董奉雞水宋人有取道者其馬不進投之雞  
湖詳溝洫雞水  
水是也我雞水卽今雞溝湖在縣城西北七十里屬  
北塘村金姬溝兩坊跨濕泥河兩岸上界東至盛家  
樓北劉家中村西至李家嘴北劉家小莊下界東  
至殷家岡西至李家嘴南灣地周遭十二三里  
唐關舊志壽唐關城西北二十五里俗名過街樓又  
名石山口大山相連中路微平南唐設關最為  
險要今鑿鄉人建閣其上壽春驛壽春驛前明置在  
按壽唐關之名於古無考壽春驛壽春驛前明置在  
潁淮南岸接花苑城由牧山西入勞山套大石嘴廬  
題山西馬跑泉邊至石馬店達壽州城中驛前有浮  
橋通驛路既遷驛於壽州城內驛橋並廢今名官驛  
渡訛為觀音灘漁人取魚水中常觸浮橋石基然自



是明之驛渡浮橋非周新站驛方輿記要新站驛在

世宗所徙之浮橋也

州按其地在城西北八公山西麓之七里廟西北

三里為赴下蔡出潁州通道驛久廢惟民居數廛

運所唐會要元和十一年置淮潁水運揚子等諸院

鄆城相傳置遞運所於下蔡淮岸後代因之兌糧於

此遺址在今普濟庵西側又南十數丈皆其地後改

為營大官塘小官塘春驛飲馬塘俗又名灑金塘

山川道路之形勢也陂瀆則滌陂永經注夏肥水又

篇潁水又東南江陂水注之水受大滌陂陂水南流

積為江陂南逕慎城西側城南流入於潁潁陂在今

縣西北百五十里闕疇集坊之陳家灣黃家渡處西

肥至此穿灣渡而行陂上界河左西北近岸為尹家

墳河又西北近岸為龍王廟臺陂中界河左東北一

里半至戴莊河右西南一里半至張家長營陂下界

河左東南一里餘至張家莊側土埂河右東南二里

至劉家莊土埂南北三里東西四里周遭十餘里岡

勢隆然環夾完密大漂之名所由以稱陂外四面湖  
地萬頃古築陂塘溉田其利益誠非小也今陂形雖  
斷續隱現而大段尚存陂水經注大漂陂水出分爲  
存舊志稱無跡謬矣雞陂二流南爲夏肥水北爲雞  
陂按雞陂卽今縣城西北百十里跨濕泥河兩岸之  
間家陂也與王海所稱去下蔡八十里合陂水源今  
出港河杜家橋古大漂陂北出之源久絕陂形自西  
北壩網坑起二里至安家橋兩岸漸隆高者數丈低  
者數尺迤邐至陂東北郭家莊陂西南蔣家莊又東  
南半里陂形盡南北相距約五里餘東西相距約三  
里周遭約十五里陂外東南平湖萬頃古築陂塘上  
納諸水下溉衆田誠大利也不知廢於唐後何時而  
東南地勢卑下陂形爲水蕩黃陂水經注水出雞陂  
激多沒不復能滋灌溉矣黃陂東流爲黃陂在今  
縣城西北九十里跨濕泥河上地名嶺子頭嶺子係  
土埂長一里高丈餘廣六七丈卽黃陂遺址也東距  
孤堆寺一里孤堆亦陂遺址南至溫家莊北至馮家  
小莊相距二里稍東偏至馮家大莊莊前爲馮家窪  
西南至長岡周遭約五六里惟當河之下流陂形蕩  
沒無跡可尋此處去下蔡六十里與王海所稱合自

嶺子頭河流二里始折東南又與水經注所稱東流  
合不知廢於唐後何時而土人呼嶺子頭為活龍被  
陶人燒損茅陂水經注又東南流積為茅陂在今縣  
殆訛傳也城西北八十里顧家橋坊跨濕泥河  
兩岸上界西至張家岡東至董墳岡西至  
楊家岡嘴東至密岡嘴周遭約十二里  
水又東逕梁城臨側淮川川左有湄城淮水左迤為  
湄湖淮又右納洛川於西曲陽縣北唐畫地里志下  
蔡東北八十里有眉陂即湄湖乃淮水所被今縣東  
北境淮河北岸焦家灘北又東至高皇寺南濱淮窪  
下地及懷遠縣之湯魚湖皆其地也湯魚湖與洛河  
口相對甚近所謂右納洛川矣今湄城遺跡無考  
東臺湖水經注臺東側有一湖三春九夏紅荷覆水  
也按東臺湖即今縣城外東北隅肥水南之尹家湖  
湖受城隍水肥漲則溢入湖與水經注所稱合第春  
夏無紅船官湖水經注肥水西分為二水右即肥之  
荷耳故瀆遇為船官湖以置舟艦也按船  
官湖即今尉升湖水經注謂之尉升湖也州志今有西湖  
之盛家湖

在州西門外水集則淮肥合流數十里卽熨湖矣  
治通鑑梁天監十二年夏五月壽陽久雨大水入城  
廬舍皆沒魏揚州刺史李崇勒兵泊於城上揚州治  
中裴絢帥城南民數千家汎舟南走避水高原謂崇  
還北因自稱揚州刺史崇遣從弟寧朔將軍神等將  
水軍討之絢戰敗神追拔其營絢走爲村民所執還  
至尉升湖曰吾何面見李公平乃投水死明宣宗實  
錄宣德七年八月巳丑直隸壽州衛奏近城西有湖  
與淮相通北雨潦暴漲壞舒家湖壽州西北八十里  
城二百餘丈餘詳溝洫  
我壽州西北則縣境潘溪水經注淮水又歷潘城南  
也湖不能詳其何處  
川納淮更相引注按潘溪卽今縣東北境濱淮北岸  
盧家湖地淮濱環岡三十餘里中亘三岡岡夾成溪  
兩溪源有泉竇噴水南流終歲不竭兩溪無泉雨積  
水亦南流共滙爲湖曰盧家湖湖東南出口曰盧家  
溝溝注於淮淮漲則倒灌溝湖水勢瀾漫所謂吐川  
納淮更相引注者也溝西二里大岡上卽古潘城潘  
溪戍東溪水經注肥水又西北右台東溪水引瀆北  
處出西南流我紫金山六府山兩麓間承花

兒頂東南麓諸山水合翟家窪元女泉匯為瀆名清

水溝南流東合眠羊小湖水又南流過小湖南畔岡

阜之西又南流稍西入於東肥注所稱東溪即眠羊

小湖引瀆北出即紫金山六府山兩麓間水匯為清

水溝北溪合北溪注云肥水又西逕壽春縣故城北右

者也北溪合北溪溪水導北山泉源下注漱石頽隍

水上長林插天高柯負日出於山林精舍右山淵寺

左道俗嬉游多萃其下內外引汲泉同七淨溪水沿

注西南逕陸道士解南精廬臨側川溪大不為廣小

足閒居亦勝境也溪水西南注於肥水按今高頂山

東下水過龜山東麓南流為清水澗左循梅花岡右

循鄧林山山東麓珍珠泉注之又南流左循梅花岡

右循鄧林山餘岡入於肥水經注所稱北溪即今清

水澗泉源即今珍珠泉澗多石幽咽潺湲注所云漱

石也山林精舍當在梅花岡山淵寺當在鄧林山陸

道士解南精廬亦當在梅花岡並久廢今春秋佳日

游人多登鄧林山煮珍珠泉淪茗坐澗石盤桓與注

所述嬉游萃止流風不遠惟澗水至岡盡處南流入

肥非西南注岡外地芍陂瀆北又左納芍陂瀆瀆水

卑水勢平漫無定也芍陂瀆北又左納芍陂瀆瀆水

自黎漿分水引瀆壽春城北逕芍陂門右北人城又  
北逕相國城東又北出城注肥水按芍陂瀆口即今  
東城濠注肥處也東城濠舊自壽州之大香河引流  
至城南屈東為城濠又北流至城之北曲處入淮入  
淮是北門外東北里餘羊頭溪承經注肥水又西  
石橋門蓋即今北門也羊頭溪逕金城北又西左  
合羊頭溪水受芍陂西北歷羊頭溪謂之羊頭澗  
水北逕熨湖左會烽火水瀆瀆受淮於烽火村南下注羊  
頭溪側逕壽春城西又北歷象門自沙門北出金城  
西門逍遙樓下北注肥瀆按肥水逕北門而西至二  
里壩西城濠引熨升湖之水入橫塘承經注肥水北  
焉則二里壩即羊頭溪口也橫塘注舊瀆之橫塘  
為元康南路馳道左通船官坊也按橫塘元康南路  
馳道當在今八公山南麓二里姚灣濱肥北岸處久  
湮無長瀨津水經注肥水北逕壽春縣故城東為長  
柴澗志流一統志柴澗在懷遠縣西南七十里府  
柴澗今無解舍里落則下蔡學宮宋仁宗明道元年  
此名俟考

學從之仍賜九經時壽州治下蔡也在今故城下蔡

內東南隅久廢其遺址成小阜里人呼為土樓

官廨官倉呼為鼓樓頭倉在鼓樓東南數十步土人尚

謂之大雙槐行署前明府判行廳也在下蔡故城內

倉園亦名公社學明太祖洪武八年正月帝以郡邑皆有

館更立社學延師儒教民間子弟今城北石馬店關帝

廟有北社學殘碑又莊桐湯御史祠堂記云遷公像

於東社學之堂即今湯公祠淮陽鄉戊家里薛公墓

也其時社學之盛可想見矣

銘葬下蔡縣淮陽鄉草市門永經注肥水左瀆又西

戊家里今其地無考

當是今縣城北門今草

市尚在牛麓原太平寰宇記牛麓原

葬於肥陵牛麓原掘泉三丈見有一人衣服殊常乃

云我是肥陵山神葬地當吾直道宜更移之不爾害

汝掌事者懼而移

之謂之三鉞坑

蘇村闕幢元豐九域志下蔡有

蘇村闕幢二鎮今尚

仍舊遊觀之美則謝堂北亭水經注長賴津側有謝堂北亭迎送所薄水陸

舟車是焉萃止按謝堂北亭當在今東津渡肥水西

岸高岡上陸路東通鳳陽定遠西通六霍潁毫水路

通淮與水經注所稱迎送導公寺水經注潁水引清

萃止合堂亭久廢無跡北出西南流逕導

公寺西寺側因溪建刹五層屋宇間敞崇虛撫覺按

導公寺當在今眠羊小湖南畔岡阜上久廢無蹟按

山林精舍 山淵寺 解南精廬水經注北山泉源下注出

於山林精舍右山淵寺左沿注西南逕陸道士解南

精廬按北溪即清水澗山林精舍解南精廬當在澗

側之梅花岡山皆久圯西昌寺水經注肥水左瀆

澗側之鄧林山皆久圯西昌寺又西逕石橋門北

有石梁渡北洲洲上有西昌寺三面臨水佛堂設三

像真容妙相相服精煒是蕭武帝所立也寺西即船

官坊蒼兕都水營是作我石梁即今北門外石堤

北洲即盛家湖北五株山南之高灘西昌寺船官坊

皆當在淮南王廟隱室石井水經注船官湖北



南王劉安廟廟中圖安及八士像皆坐牀帳如平生  
被服纖麗成羽扇帟巾壺枕物一如常居山有隱  
室石井卽崔瑗所謂余下壽春登北嶺淮南之道室  
八公石井在焉亦云左吳與王春傅生等同詣元洲  
還爲著記號曰八公記都不列其雞犬昇空之事矣  
名勝志石井俗名八角井天清一統志八角井在  
壽州八公山之陽按廟地當卽今五株山蕭景雲曰  
淮南王廟在五株山巔遺址尚可尋隱室石井無跡  
余按宋王得臣揮塵錄云余長子渝爲壽春令邑有  
淮南王安廟春秋祀之百姓思劉仁瞻之忠欲爲廟  
細於力乃望劉令公像於淮南王廟中天下名勝志  
云劉安墓在城北三里近淮南王廟據此則淮南廟  
宋時猶有廟與墓近則曲水堂永經注肥水逕元康  
或卽今之湧泉庵地矣曲水堂城西北流北出水際  
有曲水堂亦嬉游所集也按當在今老子廟永經注  
八公山十一峯西南麓直肥流曲處老子廟淮水北  
逕下蔡故城東南逕八公山北山有老子廟今縣東  
北十五里石門潭崖壁上一洞濶二尺高七寸深二  
尺洞內石上有二小穴相傳爲老子煉丹爐薰灼之  
跡猶存山巔舊有老子廟久圯古時城北諸山統名

八公山此白塔在城西北二十二里之白塔山山巔

亦一証也山有白石塔為下蔡故城內學宮文峯

山之東為廟山上有白石塔寺皆北宋時所建東坡出

穎川見淮山詩壽州已見白石塔即此時壽州治下

蔡也今塔廟盡廢畫涼亭在城北八里龜山上呂公

僅遺址可辨耳東坡集有壽春李定卿出錢城東

宋呂申公讀龍潭東坡集有壽春李定卿出錢城東

書處久圯龍潭東坡集有壽春李定卿出錢城東

東時壽春治下蔡故云城東也山勢直出截淮中流

奇石峭壁峻峭萬狀壁下垂十餘步有大洞容百餘

人水漲則沒漲落可入壁之前淮水極深為黑龍潭

潭有泉深數十丈禱雨者汲其泉水輒雨漁人網魚

潭則常黑夜見圓月印石門潭蕭景雲石門潭記曰

潭上以為驪龍珠也石門潭雲條山與茵席山相

峙為石門兩山交而中豁門中有潭曰石門潭門高

二十丈西向南北兩崖相距十丈大石礪柯類獐虬

守門傍嵐香泉自西南來渚為潭潭口徑四丈深三

尺潭溢東流數十步折而東北漫流大石上聲琤琮

低落渚為第二潭潭口徑三丈深三尺復漫流大石

上稍東折濺石下落作垂瀑聲為第三潭潭口怪石

古蹟

元

紛屯周徑八丈深六尺西南一大石寬平四丈餘石  
根漱潭水歲久空洞水迴激聲噌吰也石背若懸梁  
滑不容足東北一石如蟾欲飲不飲作跳舉狀潭上  
兩崖相距四十丈高四十丈南崖石細碎北崖大石  
岷峩欹側將崩壓如半月如蟠螭如龍象如攢花如  
墮雲奇態森列潭聲如松濤風籟大有琴意令人起  
海上移情之想泉溢流亂石間數十步下疊石成小  
瀑南崖根大石橫卧負萬餘峭石僵不動北一大石  
似虎頭怒撲人過此數十步大石中亘水深二尺洞  
行崖石如壁壁腰一洞潤二尺餘高七寸深二尺洞  
內石上二小穴相傳爲老子煉丹爐水經注云淮水  
東逕八公山北山上有老子廟在此山巔也廟久廢  
舊志昔人偶見石壁內有院宇後不復見云仰望崖  
端大石似人攬之欲擲下有南崖大石次第擁距多  
孔竅此處兩崖相距三丈餘高二十餘丈過此數十  
步水行石峽中聲潺潺折而東北大石作傾倒勢東  
西北三面呀然成潭口水流石裂處落石下渟爲第  
四潭周徑十丈深一丈南崖大石如城垣磨刻石門  
潭三字字尺餘潭溢流石間數十步至門外口兩崖  
端上踬而下偈偈處相距三丈高二丈餘北崖趾水

從山腹出流大石罅間成泉名洗雲泉清澈心骨味  
甘列在珍珠沁月嵐香三泉上大曠不涸流注潭水  
曲折行三里灌民田六七畝又東北注老魚溝入淮  
舊志石門潭縣東北十五里東廟山迤北高嶺約半  
里中斷南北兩石壁對峙如門南壁上有石門潭三  
字昔人曾見北石壁有石門半掩門內有院中有石  
壚出水外流後有石室茅仙洞在城西北二十六里  
及再至則石室不見  
十丈南麓逼淮嶮絕無路西麓亦陡峻東麓稍可涉  
足緣延至下崖得坦地數武仰觀三峯中虛如腹左  
右如手足互拱下臨淮約十丈八公山如龍東昂硤  
石山如虎西蹲河外董湖石湖平鋪萬頃莽蒼浩渺  
朔外焦岡董奉岡虎頭岡縣巨無際巖緣低墉崖端  
古峽石寺唐異僧道樹建宋林和靖來游題詩寺壁  
明嘉靖間僧昭果重修碑張軌李宗樞詩刻萬歷間  
里人張曉記重修殘碑張軌李宗樞詩刻萬歷間  
人張夢蛟記重修殘碑沒草中自此至上崖峻不可  
攀復循東麓緣而上至山腰忽峭壁特立石如疊帶  
懸巨石將墜而縮壁高十丈餘橫濶四十丈壁前坦  
地縱約五丈橫約十餘丈俯瞰淮流如雌霓蜿蜒遠

望百里形勝羅列眉睫間中峯壁一洞門高一丈內  
潤五尺深四丈可拾級登東峯開闕如關闕內一洞  
門高五尺中濶或二尺三尺餘深五丈餘再入窅然  
不知其極此茅仙古洞也西峯一石高三丈餘如臺  
諸妙集空靈與虛并洵棲真之洞天豈凡俗所能居  
乎釋子某于洞旁建寺供三茅君及諸佛像名勝志  
引志云硤石山有茅仙洞相傳茅君寓此兩崖石  
上有大禹疏鑿舊跡蓋三峯之西卽東硤石也 咄  
泉 天平寰宇記在縣東北十里淨界寺北一百步其  
泉與地平一無波浪若人至其傍大叫卽大湧小  
叫卽小湧若咄之湧彌甚因名咄泉壽春記云一名  
元女泉按泉今在城北五里鄧林山麓亦名珍珠泉  
石瑩方周八丈深二尺清澈無滓湧如貫珠人鼓掌  
頓足湧益沸味甘列大牕不涸元女泉在紫金山西  
麓別一泉也珍珠泉記珍珠泉在鳳臺縣城北三里  
八公山之趾平地石罅中濫爲方池周八十尺缺其  
東南隅流爲澗曲折沿于淝池碎石以爲底泉出其  
下若珠故名一曰咄泉爾雅泉上出爲咄也泉之上  
故有亭柱礎縱橫仆于地其基不可復覩矣余友李  
君上事鳳臺春陽旭熙秋日皎皛每率賓從盤桓泉

石間噴泉淪茗以爲笑樂踰北山飲孫氏小琅玕館  
沈冥而後返或持爆竹至泉上然之或鼓掌頓足則  
泉益肆出壘壘如貫珠蓋數十道品光動人可愛翫  
其水渟澈不容垢汚沈埃聚沫或旋焉或播焉澹性  
使不得泊味清冽刻削不能久飲彼其出于石鱗性  
固然也而造豆腐共者資焉色白而質良風味尤勝  
或曰淮南王安實始作于此其信耶泉元女泉清一  
之行其聲幽幽然不可窮也吳育記  
統志在州東南七里今泉丹池在下蔡西南大孤堆  
在紫金山下縣東北也東麓紅石中坎周十  
餘丈深丈許水常不涸舊志云里人於正月十觀海  
六日報恩寺有碑題觀海泉三鉅字碑陰有文曰壽州  
泉書院觀海泉記剝蝕過半畧云觀海王公自西臺  
屈節於壽鑿泉於書院之東公署之左胡子明善飲  
而甘之題曰觀海泉志公澤也公名重賢字子尚嘉  
靖乙未七月立按壽州書院當卽今循理書院云書  
院東則泉當在寺附近處泉於何時湮碑于何時移  
置寺內不春申臺天下名勝志春申臺在州城內東  
可知矣

古蹟

州西四十里壽春記云城中有楚工祭淮壇城東北隅有棘門據此則春申臺當在壽春城中今壽州境也天清一統志春申臺在壽州城東北隅相傳黃歇所築舊志云春申臺與墓俱廢無考因流俗相傳已久門雞臺天下名勝志門雞臺在州東北十里姑誌之門雞臺門雞臺舖相傳楚王嘗門雞臺於此地紀勝有二金雞門於此遠近皆見壽州志云在州西南三十里明一統志在州東北十里今其地無考金梭堆天下名勝志引寰宇記八公山有淮南王廟公埋金其上一名金梭堆在州東十里雨後輒見金今寰宇記無此語壽州志云金梭堆在州東十里俗傳淮南王遺金於此人多於雨後得之今淮南王舊其地無考城東十里當在紫金山左右矣淮南王舊壘宋史隱逸傳連庶字居錫安州應山人舉進士調議商水尉壽春令淮南王舊壘在山間會大水州守為必可用蓋以古之物傳於今尚有典刑也壘因是得存按壘今已無跡云在山樓賢寺資治通鑑梁天監三年魏使蕭間或即指舊淮南王廟也

寶寅都督東陽等三州屯東城寶寅至汝陰東城已

為梁所取乃屯壽陽棲賢寺讀史方輿紀要云在州

西北州西北皆今縣境也今縣北官山迤北有棲

賢山通淮濱與營盤山烟墩山相接或即其地淨

界寺按太平寰宇記咄泉在淨界寺北一百步千佛寺

唐建當在下蔡今無考報恩寺唐貞觀間建宋天聖

有千佛寺殘碑詳藝文資壽寺有宋建隆時証

佛會人名碑殿宇宏敞像飾資壽寺有宋建隆時証

瑰麗此邦名刹也詳寺觀資壽寺有宋建隆時証

悟禪師極山水之勝詳寺觀文殊寺在下蔡相傳周

巖石頗極山水之勝詳寺觀文殊寺在下蔡相傳周

謝公祠在城東北六里湧泉山南崖世宗建詳寺觀

祠明初所建嘉靖甲辰巡按王公一泉修嘉靖己未

知州呂公宇岡又建振衣亭於其旁嘉靖己亥巡按

楊瞻建湧泉山房萬厯丁丑知州莊桐修明季廢今

為湧泉庵院宇荒頽無知為謝公祠者矣知州史宏

詢謝公祠記畧云嘉靖甲辰巡按御史一泉王公語

宏詢曰謝康樂思在壽人勛名在晉史不可以無祠

宏詢曰謝康樂思在壽人勛名在晉史不可以無祠

宏詢曰謝康樂思在壽人勛名在晉史不可以無祠

宏詢曰謝康樂思在壽人勛名在晉史不可以無祠

宏詢曰謝康樂思在壽人勛名在晉史不可以無祠

宏詢曰謝康樂思在壽人勛名在晉史不可以無祠

宏詢曰謝康樂思在壽人勛名在晉史不可以無祠



命工鳩衆因八公山舊堂宇數椽況而新之中爲祠  
堂東西爲兩廡十一月二十日告成記見莊祠舊州  
志祠中有州人魏圻振衣亭碑記云明興立謝公  
廟于八公山麓每歲春秋上丁後數日領郡事者祀  
焉嘉靖丁巳春秀水字岡呂公出補吾壽稽典時祀  
深感廟隅臺榭若游觀燕娛者其奚以明志越二年  
己未三月乃鳩工於省方節庠示義將於是乎振衣  
引泉爲池絢茅爲亭旣成楣扁示義將於是乎振衣  
起敬也并館庠生誦讀於其中蓋望吾壽同志景先  
哲焉又有順治十五年邑人孫紹先湧泉庵碑記畧  
云庵固州之勝蹟也前此之盛不及知已以余所目  
視者隆萬間爲最清軍使者蒲坂楊公首其事於前  
郡中丞方公蹕其樂及後殿宇稍舍而外復置別院  
四五區爲州人游樂及士子靜息之所屋百餘楹山  
之上建文昌楊謝諸祠有亭有臺有池有渠水遶山  
環喬蒼梓翠游者不絕固一時之盛也未幾而屋舍  
化爲行營竹樹易爲干櫓飲馬而泉竭炊烟而山童  
或竊瓦木以營私室一耗於兵卒再耗於狐鼠而盪  
然盡矣余解組投閒偶策杖尋舊址荆榛灌莽間僅  
餘佛像三間亦朽蠹將傾墜未三十年而盛衰異視

如此按湧泉出山南崖大石下南崖凡數大石一刻  
王庭二字一刻伏屏二字一刻淮南丹井石刻立泉上乾  
石刻胡藩詩移未方公書淮南丹井石刻立泉上乾  
隆二三十年時泉尚湧祠內池水中清澈有二三魚  
如龍形出戲則雨占陰晴者以爲驗數十年來泉忽  
竭而池以荒矣里人述之甚可惜也舊志云泉卽丹  
井今已乾涸共東數武得泉清冽可冢墓則廉頗墓  
飲或云此卽湧泉地脈之轉移也  
更記廉頗傳廉頗卒死於壽春正義曰廉頗墓在壽  
州壽春縣北四里太平寰宇記引考古今冢墓記云廉  
頗葬於肥陵牛麓原蕭景雲古墓考曰廉頗墓在五  
株山西南麓有趙廉將軍墓碑碣相傳數十年前土  
人私葬墓地毀碑碣遂悞指五株山東南麓淮南王  
墓爲廉頗墓且有東廉頗墓西廉頗墓之稱謬矣又  
北山坡陀間古墓多毀沒存者十二猶累累然昔人  
稱爲十二連坡古墓俗遂訛爲十二廉頗墓尤謬一  
在五株山東南麓卽淮南王墓一在五株山西南麓  
卽廉頗墓一在八公山十一峯南卽舊傳花隱夫人  
墓一在八公山十一峯西南麓一在八公山十峯西  
麓一在八公山三峯西麓一在小礮山西南平岡一

鳳臺縣志

卷十

古蹟

墓

在小節山西麓一在石馬店西北一里餘一在白石  
山西南麓一在長廉山東南麓一在壽唐關北平頂  
小山東麓意皆楚徙都時名臣貴族遺冢也余旣屬  
蕭生稽訪廉將軍之墓因立石表其道又題其碑陰  
曰蘭生一言合於義將軍折節而下之聞過之喜也  
忠而被閒惓惓用趙離騷之思也客葬歸然陵谷弗  
湮嗚乎春申君墓指縣署西大官塘中土堆爲春申  
將軍墓又縣東隗家店西淮南王墓明一統志淮南王  
大阜名黃歇冢或是也淮南王墓葬肥陵山天下名  
勝志劉安墓俗稱劉王墓在縣北三里按今城北五  
株山東南麓墓冢歸然猶存五株山卽古肥陵也順  
治間州牧李大升志謂在王琳埋首處資治通鑑陳  
城南門外水蕩墓圯悞矣王琳埋首處太建五年吳  
明徵拔壽陽生擒王琳送建康遣使追斬之於壽陽  
東二十里故吏朱瑒致書徐陵求其首陵爲之啟上  
詔并熊曇朗等首皆還其親屬瑒瘞琳於八公山側  
義故會葬者數千人瑒問道奔齊別議迎葬尋有壽  
陽人茅智勝等八人墓在城北八里宋殿中丞呂  
人密送其柩於鄴呂公墓在城北八里宋殿中丞呂

宋呂龜祥葬龜山腰山形如龜墓在龜鼻下龜鼻左  
右兩砂抱如雙環舊有呂公墓三字碑碣數十年前  
邑人某姓葬墓前削損墓家碑碣亦毀今某姓墳或  
後舊墓遺跡微茫尚存恐歲久失傳無知之者矣  
僅識遺墟或滅沒無考至於劉裕冢

云在州東三十里援宋武帝七賢墓

陵自在晉陵此荒誕不足信

門半露有龍鳳文相傳為七賢墓後有七賢村

賢墓在黃家壩西北一里岡上冢歸然一冢久沒

其五冢錯立里餘間歸然之冢半露大石墓門西北

距墓數百步殘翁仲一蟲屬一臥道上餘冢似不相

屬相傳有墓碑不知沒何所土

人以爲竹林七賢墓傳訛也

戶錄云宋武帝女壽陽公主春日卧含章宮簷下有

梅花點額上成五出宮中效之爲梅花粧世號花靨

夫人今州北五里有花靨夫

人墓蓋因花靨鎮而傳會耳

宋狀元焦炳炎居此舊有狀元坊久廢相傳是科場

屋火改試故當時有不是場中火急得狀元焦之謠

按能改齋漫錄元豐八年尚書戶部侍郎李定權知貢舉其夜四鼓開寶寺寓禮部貢院火後別試更得焦路爲魁諺云不因開寶火安得焦氏焦路無爲州人也又云安州志引焦氏科分考焦氏炳煥兄弟宋建炎乙亥文武狀元煥入試有不得南方火怎得狀元焦之謠而建炎並無乙亥科蓋皆焦路之訛也率里俗附會不足信也兆洛自館職補外謁選得鳳臺卽稽求方志知爲淮南王升仙之所自漢以來爲名區私幸山水之美游覽之勝足以發思古之壯意比至邑中求之則了不可得詢諸故老及文學士亦茫然莫有知者讀書好古之士少莫爲愛惜而致然也卽喬木故家蓋亦鮮有存者云夫山川都邑室屋祠墓名賢軌躅之所寄書史圖籍之所志可以見時

會之盛衰地勢之險易陵谷之遷變政治之得失風俗之淳薄以之斟酌條教風示勸懲覽一隅知天下其所裨甚鉅故於輿地志外別出古蹟非徒網羅放失憑弔俯仰爲風雅之助而已亦欲使此邦人士知往事留遺卽一樹一石皆當貴重保護如子孫之寶其世守法物然者庶幾敬恭桑梓慎守邱墓革鬻凌之氣臻於厚重斯豈非司土者之幸哉

